

# "DIE BLINKKLIPPIE"

WEEKLIKSE NUUSBRIEF VAN GEREFORMEERDE KERK POSTMASBURG  
(Jaargang 19 - nr. 36.)



"Die Woord het mens geword en onder ons kom woon. Ons het sy heerlijkheid gesien, die heerlijkheid wat Hy as die enigste Seun van die Vader het, vol genade en waarheid."  
Johannes 1:14

## 8 September 2019

HARTLIK WELKOM!

Dit is waarlik 'n voorreg om weer vanoggend as gemeente saam die Here te kan dien.

**EREDIENS VANOGGEND: Dr. Petrus Venter**

### **Voorsang:**

Ps.92 :1,6

### **Ontmoetingsdiens:**

Votum en seën

Sing: Ps. 100:1,2,3

Belydenis van geloof

### **Verootmoediging- en versoeningsdiens:**

Wet

Sing: Ps. 32:1,4

### **Gebed**

### **Woorddiens:**

Sing: Ps. 92:3,4

Skriflesing: Psalm 1

Teks: Psalm 1:6

### **Preektema:**

Welgeluksalig is om ook Halleluja te sing

Sing: Ps. 1:1,4

### **Leerprediking:**

Skriflesing: Psalm 1:2-3

Heidelbergse Kategismus: Sondag 2

Tema- Ons behae is in die Wet van die Here

### **Antwoorddiens:**

Liefdesdiens kollekte: In die banke- DVB

By die deure- Sustentatie Klassis

Sing: Ps. 1:2,3

### **Wegsturseën**

### **Preeksketse**

#### **Psalm 1**

Die hele Psalmbundel, al 150 Psalms moet teruggevoer word na wat hierdie eerste Psalm se eerste woord as inleiding tot al 150 Psalms wil wees. Psalm 1 begin met die woord *welgeluksalig* en Psalm 150 is weer 'n slotwoord(slotakkoord) op al die Psalms.

Die groot woord in Psalm 150 is *Halleluja*. Tussen die *Welgeluksalig* van Psalm 1 en die *Halleluja* van Psalm 150 is daar 148 ander Psalms wat met Psalm 1 verband hou maar wat ook nie wil los staan van die *Halleluja* van Psalm 150 nie.

#### **Sondag 2 Heidelbergse Kategismus**

Die water is die afbeelding van God se Wet, die boom is ek en jy, ja ons as mense wat geregverdig is. As die Wet van die Here nie in ons lewens was nie, sou dit dieselfde wees as om te sê die aarde moet sonder die son bestaan. Die Wet en die werking van die wet is dan ook goed te vergelyk met die son en die werking van die son.

## KOLLEKTES

**Vandag:** 8 September 2019

- In die banke: **Diens van barmhartigheid** By die deure: **Sustentasië Klassis**

**Sondag:** 15 September 2019

- In die banke: **Diens van barmhartigheid** By die deure: **Ekumenisiteit Londen**

## WYK - DIENSBEURT

Vandag – 8 Sept 2019 – **Wyk 8**

- **Ouderling:** Br. Wolfie Reinecke
- **Diaken:** Br. Johan Reinecke
- **Wyksusters:** Sr. Kobie Reinecke

Volgende week – 15 Sept 2019 - **Wyk 9**

- **Ouderling:** Br. Ferreira Meyer
- **Diaken:** Br. Barend Snyman
- **Wyksusters:** Sr. Cecile de Kock

## MEELEWING

- Ons dink aan sr. Louise Viljoen en haar gesin met die afsterwe van haar ma. Mag hulle ook die besondere troos van die Here in hierdie dae ontvang.
- Ons dink in ons gebede aan sr. Marie Fourie wat die week 'n katarak operasie ondergaan en verdere chemo behandeling.
- Ons dink aan sr. Cecile de Kock wat weer mediese raad en moontlike behandeling rondom haar hand en pols moet ondergaan.
- Br. Drickus v/d Walt het die week kardioloog moes gaan sien, na erge hoofpyne en baie hoë bloeddruk. Ons bid hom spoedige herstel toe.
- Baie sterkte aan br. Rassie Erasmus en sr. Marina Reinecke wat nog herstel na operasies.
- Ons dink aan br. Gert Brits en sr. Annie v/d Linde wat ongesteld is. Ons gebede is dat dit gou beter sal gaan.

## VERJAARSDAE

Maandag 16 Sept Jngbr. Drikus Nel

Saterdag 21 Sept Br. Wikus Snyman, Br. Henriko v Heerden

Mag u 'n geseënde nuwe lewensjaar ingaan met die volle oortuiging dat ons tye is in die Here se hande.

## ALGEMENE KERKNUUS

### GKSA NUUSBROKKIES

Gaan laai gerus hierdie week se nuusbrokkies van ons webwerf af. Die jongste beroepenuus en vele meer is daarop beskikbaar soos weekliks aan ons deurgestuur. U kan dit van ons webwerf aflaai by: <http://bit.ly/2SxThy0>

**BEROEPE ONTVANG:** Ds. GM Boersema (Marnix) van GK Graaff-Reinet na GK Reitz/Lindley kombinasie

**BEROEPE AANVAAR:** Prop JC (JC) Potgieter na Reformed Church Tshwane

### LYKSVERBRANDING- WAAROM NIE?!

Die GKSA het 'n Sinodebesluit wat die praktyk van verassing (kremasie) afwys. Gaan lees asb. weer daardie besluit met ook ander studiestukke op ons webwerf wat die praktyk van lyksverbranding (verassing) hanteer. Mag u en u families weer daaroor herbesin as u dalk sou oorweeg dat by u sterwe daar op die wyse met u liggaam gehandel moet word. Dit alles kan gelees word by <http://bit.ly/2L0K5QD>

### PRETORIA FM UITSENDINGS – MAAK MY U WEË BEKEND

Die program wat dr. Petrus vanaf 8 Sept. tot einde Oktober op die senders van Pretoria FM saam met dr. Gerard Meijer bepaalde bydraes lewer word op Sondag om 17h00 uitgesaai. Luisteraars kan in Postmasburg en in die grense van ons gemeente inskakel op TV oudiokanaal 887. Dit is die enigste wyse wat ons hier na die programme sal kan luister.

## KATEGESE

Al die werk en ons roosters is op ons webwerf onder katkisasie gelaai. U kan dit aflaai by

<http://bit.ly/2KhypYe>

Laerskool-klasse vind Sondae na die ereadiens by die kerk plaas.

Alle Hoërskool kategeese en volwasse-kategeese gaan ook voort.

Die Voor-belydenisklas vind Sondae 'n kwartier na die ereadiens plaas.

Ons Belydenisklas en ook volwasse kategeese klasse vind Maandae plaas. Reëlings met die groepe sal steeds deur WhatsApp via ons kerkgroep deurgegee word.

## DIAKENS

## DORKAS- SUSTERS

**Huis Jan Vorster-mandjie** – Toiletware vir ons inwoners in HJV kan in die groen mandjie voor in die portaal geplaas word. Hulle ondervind die laaste tyd veral 'n tekort aan doeke, Prep en aqueous room. Die inwoners het ook hulle hartlike dank uitgespreek vir dit wat alreeds geskenk is.

## BYBELSTUDIE

Bybelstudie Dinsdag 10h00: Oggendgroep

Bybelstudie Dinsdag 18h30 Aandgroep

Ons gaan voort met die reeks rondom die gebede uit God se Woord.

## DOPPER KOMBUIS

Kom kuier gesellig saam in ons tee-drink lokaal na die ereadiens.

## GEMEENTEKAMP

Merk die datum: 3 tot 5 April 2020

## STEAK-ETE

Volgende steak-ete is 4 Oktober 2019 aangebied deur wyke 1-4

## VOERTUIG TE KOOP

Die Kerkraad het besluit om ons gemeentervoertuig, 2008 Toyota Hilux 2.7 Petrol D/C VVTI 4x2 183 000km, te koop aan te bied. Die bakkie sal deur 'n tenderproses verkoop word. As u die bakkie wil koop kan u die bedrag wat u aanbied skriftelik by die Kerkkantoor inhandig of u aanbod per epos na [admin@gksa-postmasburg.co.za](mailto:admin@gksa-postmasburg.co.za) stuur. Die sluitingsdatum vir tenders is Vrydag 17 Sept 2019. Die voertuig sal adverteer word vir R160 000.00

## KERMIS

Daar is nog baie rou vleis en wors beskikbaar by die kerkkantoor vir verkope

## OMGEWINGSPITKOS

Oor die ateïsme as filosofiese dissipline is al boekdele geskryf. Tog staan die pittigste ding wat ooit daarvoor geskryf is in Ps 14:1 : 'Die dwaas sê in sy hart – daar is geen God nie'. Dit terwyl die natuur so God se heerlijkheid verkondig en ons aansê om nog meer vroom en aan God toegewy te lewe. Om die bestaan van God te ontken is in stryd met wat jy in die skepping met jou eie oë kan waarneem. God is die grootste realiteit en jy wat Hom loën is 'n ontaarde skepsel (vs 2-3). Mag die biologiese evolusioniste wat die bestaan van 'n almagtige skeppingsgod ontken, ook hiervan kennis neem.

## HUISBESOEK DEUR DIE PREDIKANT

In September wil die predikant graag wyke 3 en 4 besoek. Hy sal u kontak om afsprake vas te maak.

## HUISBESOEKE DEUR DIE OUDERLINGE

### VERGADERINGS:

### Verslag van die Finansiële Kommissie

Van die kommissie se kant af wil ons u graag bedank vir u bydraes en ons doen 'n beroep op lidmate om so vol te hou. U is welkom om met enige lid van die finansiële kommissie te skakel indien u navrae het.

## KERKLIKE GEGEWENS

Gereformeerde Kerk Postmasburg  
Posbus 74 Postmasburg  
E-pos: [admin@gksa-postmasburg.co.za](mailto:admin@gksa-postmasburg.co.za)  
Tel: 053 313 3710  
Landlyn Pastorie: Tel: 053 313 0571  
Kerkkantoor ure: Maandae tot Vrydae 09h00 - 13h00

Predikant	Dr. Petrus Venter	084 704 2348	<a href="mailto:ds@gksa-postmasburg.co.za">ds@gksa-postmasburg.co.za</a>
Skriba	Oudl. Albertus Viljoen	082 808 4168	<a href="mailto:skriba@gksa-postmasburg.co.za">skriba@gksa-postmasburg.co.za</a>
Admin Beampte	Sr. Koos Fick	082 821 2736	<a href="mailto:admin@gksa-postmasburg.co.za">admin@gksa-postmasburg.co.za</a>
Voorsitter: Diakonie	Diak.Dawie Schoeman	082 782 2537	<a href="mailto:dawie@xmedia.co.za">dawie@xmedia.co.za</a>
Koster			
Orrelis			
Kassiere	Oudl. Lukas Potgieter	079 695 0555	<a href="mailto:lukaskathu@gmail.com">lukaskathu@gmail.com</a>

***Ons gemeente se webwerf en facebook-blad is soos volg:***

<http://www.gkpostmasburg.weebly.com>

<http://bit.ly/2Ydk7wK>

## STATISTIEKE VORIGE SONDAG

Erediens bywoning	<b>48</b>
Bydrae: Pro Ecclesia Beursfonds	<b>R 603.00</b>
Bydrae: Diens van barmhartigheid	<b>R 1 506.80</b>

## GEREFORMEERDE KERK BANKBESONDERHEDE – ALLE REKENINGE BY ABSA

Rekening	Rekeningnommer
Alle bydraes (Dankoffers)	2130-3400-35
Diakonie	2130-28-0008
Dorkas-susters	407-382-6782
Kermisinbetalings	90-9779-4784
Steak-ete inbetalings	91-4771-8016

Berigte vir Blinkklippie moet asseblief teen **Woensdag 16h00** per e-pos gestuur word na [admin@gksa-postmasburg.co.za](mailto:admin@gksa-postmasburg.co.za)